


欽定史記

卷之十
七十八



平屬淄川國

令其宗人盡斷其車軸末而傳鐵籠

集解徐廣曰傳音附

索隱

斷音都緩反斷其軸恐長相撥也以鐵裹軸頭堅而易進也傳者截其軸與轂齊以鐵鏐附軸末施轄於

鐵中以制轂也又方言曰車轄齊謂之籠郭璞云車軸也

已而燕軍攻安平城壞齊

人走爭塗以轄折車敗

集解徐廣曰轄車軸頭也音衛

爲燕所虜唯田

單宗人以鐵籠故得脫東保卽墨燕旣盡降齊城唯獨

莒卽墨不下燕軍聞齊王在莒并兵攻之淖齒

集解徐廣曰多

作淖齒也

旣殺湣王於莒因堅守距燕軍數年不下燕引兵

東圍卽墨卽墨大夫出與戰敗死城中相與推田單曰

安平之戰田單宗人以鐵籠得全習兵立以爲將軍以

卽墨距燕頃之燕昭王卒惠王立與樂毅有隙田單聞

之乃縱反間於燕宣言曰齊王已死城之不拔者二耳樂毅畏誅而不敢歸以伐齊爲名實欲連兵南面而王齊齊人未附故且緩攻卽墨以待其事齊人所懼唯恐他將之來卽墨殘矣燕王以爲然使騎劫代樂毅樂毅因歸趙燕人士卒忿而田單乃令城中人食必祭其先祖於庭飛鳥悉翔舞城中下食燕人怪之田單因宣言曰神來下教我乃令城中人曰當有神人爲我師有一卒曰臣可以爲師乎因反走田單乃起引還東鄉坐師事之卒曰臣欺君誠無能也田單曰子勿言也因師之每出約束必稱神師乃宣言曰吾唯懼燕軍之剿所得

齊卒置之前行

正義故
郎反

與我戰卽墨敗矣燕人聞之如

其言城中人見齊諸降者盡劓皆怒堅守唯恐見得單

又縱反間曰吾懼燕人掘吾城外冢墓僂先人可爲寒

心燕軍盡掘壘墓燒死人卽墨人從城上望見皆滄泣

共欲出戰怒自十倍田單知士卒之可用乃身操版插

義

操音七高反插音初洽反
古之軍行常負版插也

與士卒分功妻妾編於

行伍之間盡散飲食饗士令甲卒皆伏使老弱女子乘

城遣使約降於燕燕軍皆呼萬歲田單又收民金得千

溢令卽墨富豪遺燕將曰卽墨卽降願無虜掠吾族家

妻妾令安堵燕將大喜許之燕軍由此益懈田單乃收

城中得千餘牛爲絳繒衣畫以五綵龍文束兵刃於其角而灌脂束葦於尾燒其端鑿城數十穴夜縱牛壯士五千人隨其後牛尾熱怒而奔燕軍燕軍夜大驚牛尾炬火光明炫耀燕軍視之皆龍文所觸盡死傷五千人因銜枚擊之而城中鼓譟從之老弱皆擊銅器爲聲聲動天地燕軍大駭敗走齊人遂夷殺其將騎劫燕軍擾亂奔走齊人追亡逐北所過城邑皆畔燕而歸田單兵日益多乘勝燕日敗亡卒至河上

案隱

齊之北界近河東蓋齊舊地也

而

齊七十餘城皆復爲齊乃迎襄王於莒入臨菑而聽政襄王封田單號曰安平君

案隱以單初起安平故以爲號

太史公曰兵以正合以奇勝

集解駢案魏武帝曰先出合戰爲正後出爲奇也正

者當敵奇兵擊不備權詐也引魏武蓋亦軍令也

善之者出奇無窮

兵不

厭詐故云善之出奇

奇正還相生

正義猶當合也言正兵當陣張左右翼掩

其不備則奇

如環之無端

索隱言用兵之術或用奇計使前敵不可測量如尋環中

不知端

夫始如處女適人開戶

集解徐廣曰適音敵

弱則敵人輕侮開戶不爲備

正義敵人謂燕軍也言燕軍被田單反間易將及被卒燒壘墓而令齊卒甚怒是

敵人爲單

後如脫兔適不及距

集解駢案魏武帝曰如女示弱脫兔往疾也

克捷之後卷甲而趨有如兔之得脫而疾走

其田單也敵不及距者若脫兔忽過而敵忘其所距也

之謂邪初淖齒之殺湣王也莒人求湣王子法章得之

太史嬖之家

正義嬖

爲人灌園嬖女憐而善遇之後法

章私以情告女女遂與通及莒人共立法章爲齊王以莒距燕而太史氏女遂爲后所謂君王后也燕之初入

齊聞畫邑人王蠋賢

集解劉熙曰齊西南近邑畫音獲素隱畫音胡卦反蠋音觸亦音蠲

正義括地志云戟里城在臨淄西北三十里春秋時棘邑又云澶邑蠋所居卽此邑因澶水爲名也令軍

中曰環畫邑三十里無入以王蠋之故已而使人謂蠋

曰齊人多高子之義吾以子爲將封子萬家蠋固謝燕

人曰子不聽吾引三軍而屠畫邑王蠋曰忠臣不事二

君貞女不更二夫齊王不聽吾諫故退而耕於野國旣

破亡吾不能存今又劫之以兵爲君將是助桀爲暴也

與其生而無義固不如烹遂經其頸於樹枝自奮絕脰

而死

繫隱經猶繫也何休云脰頸齊語也音豆

齊亡大夫聞之曰王蠋布衣

也義不北面於燕況在位食祿者乎乃相聚如莒求諸

子立爲襄王

索隱述贊曰軍法以正實尚奇兵斷軸自免反間先行羣鳥惑衆五牛揚旌卒破騎劫皆復齊城襄王嗣位乃封安平

史記卷八十二

史記卷八十二考證

田單列傳乃縱反間於燕宣言曰○言監本訛作王今改正

夫始如處女適人開戶後如脫兔適不及距○語出孫子九地篇

索隱述贊曰五牛揚旌○監本誤刻於其田單之謂邪

句下今移正

臣照

按庖林曰宋書臧質傳柳元景檄

書八鑾搖響五牛舒旆又謝晦傳尚書符荊州曰警蹕前驅五牛整旆梁書王僧辨表云解五牛於冀州秣六馬於譙郡魏收魏書外國序云五牛一指六師

騁路又太昌三年詔曰五牛警飾七萃按郡皆六朝
麗語而小司馬效之顧考晉輿服志五牛旗平吳後
所造以五牛建旗車設五牛青赤在左黃在中白黑
在右元帝後但以五色木牛象五時車豎旗於牛背
使人輿之旗常纏而不舒飾所謂德車結旌者也惟
天子親戎五旗舒飾所謂武車綏旌者也故十六國
春秋劉曜攻陳倉南陽王保將楊曼王連謀曰有五
牛旗建多言故主自來遂盡衆背城而陣爲曜所敗
今田單火牛豈儀衛耶贊乃云五牛何也且單出詭
襲之計未嘗建旗鼓接兵刃也而云揚旌不亦誣乎

索隱之陋往往如是姑舉其一以例諸餘

史記卷八十二考證

史記卷八十三

漢 太 史 令司馬遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

魯仲連鄒陽列傳第二十三

索隱魯仲連屈原當六國之時賈誼鄒陽在文景之日事迹雖復相類年代甚爲乖絕其鄒陽不可上同魯仲連賈生亦不可下同屈原宜抽魯仲連同田單爲傳其屈原與宋玉等爲一傳其鄒陽與枚乘賈生等同傳

魯仲連者齊人也好奇偉倬儻之畫策

索隱廣雅云倬儻卓異也

傲天曆反魯連子云齊辯士田巴服狙邱議稷下毀五
帝罪三王服五伯離堅白合同異一日服千人有徐劫
者其弟子曰魯仲連年十二號千里駒往請田巴曰臣
聞堂上不奮郊草不芸白刃交前不救流矢急不暇緩
也今楚軍南陽趙伐高唐燕人十萬聊城不去國亡在
旦夕先生奈之何若不能者先生之言有似梟鳴出城
而人惡之願先生勿復言田巴曰謹聞命矣巴謂
徐劫曰先生乃飛兔也豈直千里駒巴終身不談

肯仕官任職好持高節游於趙趙孝成王時而秦王使

白起破趙長平之軍前後四十餘萬秦兵遂東圍邯鄲

趙王恐諸侯之救兵莫敢擊秦軍魏安釐王使將軍晉

鄙救趙畏秦止於蕩陰不進

案地理志河內有蕩陰縣正蕩天郎反相

州魏王使客將軍新垣衍間入邯鄲

案隱新垣姓衍名也爲梁將故漢有

平原君謂趙王曰秦所爲急圍趙者前與齊滑

王爭彊爲帝已而復歸帝今齊潛王已益弱方今唯秦
雄天下此非必貪邯鄲其意欲復求爲帝趙誠發使尊
秦昭王爲帝秦必喜罷兵去平原君猶預未有所決此
時魯仲連適游趙會秦圍趙聞魏將欲令趙尊秦爲帝
乃見平原君曰事將奈何平原君曰勝也何敢言事前
亡四十萬之衆於外今又內圍邯鄲而不能去魏王使
客將軍新垣衍令趙帝秦紫隱新垣衍欲今其人在是
勝也何敢言事魯仲連曰吾始以君爲天下之賢公子
也吾乃今然後知君非天下之賢公子也梁客新垣衍
安在吾請爲君責而歸之平原君曰勝請爲紹介集解

郭璞

曰紹介相佑助者也索隱紹介猶媒也凡禮賓至必因介以傳辭紹者繼也介不一人故禮云介紹而傳命

而見之於先生平原君遂見新垣衍曰東國有魯仲連先生者今其人在此勝請爲紹介交之於將軍新垣衍曰吾聞魯仲連先生齊國之高士也衍人臣也使事有職吾不願見魯仲連先生平原君曰勝旣已泄之矣新垣衍許諾魯仲連見新垣衍而無言新垣衍曰吾視居此圍城之中者皆有求於平原君者也今吾觀先生之玉貌非有求於平原君者也曷爲久居此圍城之中而不去魯仲連曰世以鮑焦爲無從頌而死者皆非也集解

駟案鮑焦周之介士見莊子索隱從頌音從容言世人見鮑焦之死皆以爲不能自寬容而取死此言非也正